



## Inâkonigewin 2005 Kâwin Sagaswâniwanzinôn Ontario-ng Inâkonigewin Ke-dôdâgemagak: Kikinâmâdinân'n Ondje Weshki-mâdjitâdjig ashidj Kanawadâwasogamigôn

### Netamisingin

- Inâkonigewin Kâ'n Sagaswâniwanzinôn Ontario-ng kada-mashkawazîchigâde 31, Wâbigon Kîzis 2006.
- Inâkonigewin inazinâde kibahigâdeg sagaswewin ondemitâwigamigokâg ashidj ked-iji-mânenâniwang Ontario-ng. Mî iye kidji-wîdokawenimindwâ ega segaswâdjig chega opanâdamowâdj kodag âwiweg obatem.

### Kikinâmâdinân Ondje Weshki-mâdjitâdjig ashidj Kanawadâwasogamig

Kâ'n sagaswenâniwanzinôn kikinâmâdinâning ondje weshki-mâdjitâdjig kichi-ogimâ nâgânîkandang *Day Nurseries Act* kâ-mazinâdeg. Ashidj igodj kaye âwiweg tibinawe nâgadjitôdj kanawadâwasogamig ashidjzinâdeg *Day Nurseries Act*, miziwe iye wîgiwâm, kâgige igodj, kâwin kada-zagaswenâniwanzinôn misawâdj taniziwâdj abinôdjînshag ega kaye.

Kânônsikâde tibinawe kanawadâwasogamig. Ministry of Children and Youth Services omînân kânônsan nîgânizîn neyâgadjitônindjin kanawadâwasogamigôn. Igeg nîgânizîg mîgiweg, awashamej pejig abinâs, kanawadâwasogamig ondje nânan abinôdjînshag nônd tash kaye metâsobibônezidjig. Kodag wîgiwâm kada-mînâ kâwin maya abinâdeg wîgiwâm. Anôdâganag apin kada-daniziwag kidji-nîgânî-nâgadjitôwâdj inen wîgiwâman.

Kîshpin kîyâbadj wî-nanda-gikenindâgok Ministry of Children and Youth Services mizimizide nanda-gikenindjiganing tâ-andonigâde [www.children.gov.on.ca](http://www.children.gov.on.ca).

### Odibisatwâwiniwân Tebenindjigedjig ashidj Wendamitâdjig

Ke-dôdamowâdj tebenindjigedjig konima kaye nâgânizidjig :

- Kikenindamônâwân pândigenindjin ega sagaswâniwang.
- Akonanâwân âtawechige-onâganan konima kaye kodagan ked-inâbadakin âtawechiganan.
- Kikenindamônâwân pemâdizinindjin chega-zagaswewâdj ombâkoniganing.
- Kikenindamônâwân pemâdizinindjin kîshpin mânendjigenidj mâmakâdj 'a ke-zâgahang.
- Ayagodônâwân tibâdjimozinahiganan ega sagaswâniwang ke-bimi-bîndigenâniwang, pemi-zâgahaminâniwang, ijâwinikâng, ashidj ândidog igodj ke-wâbandjigâdeg kidji-gikenindâgok tash ega sagaswâniwang. Kîshpin wî-nanda-gikenindaman ke-ondinigâdegoban tibâdjimo-mazinahigânsan, kanôj âwiweg mino-bimâdiziwin kejjigâbandangik.

## **Mashkawizîchigâde**

Wâkâhî endanizidjig kejjigâbandangik mino-bimâdiziwin kada-baba-ayijig nâgada-wâbandjigewâdj ashidj kidji-nanda-gikenindjigewâdj apîch ânwâbandjigewin tagwang sîginibîwogamigông konima kaye wîsini-wigamigông kidji-mashkawâtôwâdj iye inâkonigewin. Mino-bimâdiziwin neyâgidjitôdjig kada-gashkitog kidji-baba-ayinâbiwâdj anda-gikenindamiwâdj kîshpin keget nôwasinehigâdegwen inâkonigewin.

## **Ked-ayindidj**

Kâwin wîndâgosinôn maya ked-inigokwâg kîjikâzowin kîshpin ânwetang awaso inakâg inâkonigewin, wâ-ikidômagak tash tibâkonigewininî odayân kidji-onatôdj ked-inigokwâg kîjikâzowin. Pemâdizidj konima tâ-ijinâgodini kidji-gîjikâzodj \$5,000.00 minigik.

Awaso tibâdjimozinahigan tidâtibî-nandwânikewin eta kada-inâbadad. Kîspin kîyâbadj wî-nanda-gikenindjigen, enâbigis kanôj mino-bimâdiziwin kejjigâbandangik.

Konima kaye 'ondaje madwesidjiganing kidâ-ondinân wî-nanda-gikenindaman kego:

- **INFOLINE** 1-866-396-1760
- **TTY** 1-800-387-5559

Taso-dibahiganeg ke-jesing: Metisonî-gîjjigak ako Chîbayâtigo-gîjjigak, 8:30 kigijeb ako 5:00 onâgoshig.

Kîshpin kîyâbadj wî-nanda-gikenindaman Inâkonigewin Kâwin Sagaswâniwanzinôn Ontario-ng, enâbigis andonan Ontario of Health Promotion mizimizide-nanda-gikenindjigewining:

[www.mhp.gov.on.ca/english/health/smoke\\_free/legislation.asp](http://www.mhp.gov.on.ca/english/health/smoke_free/legislation.asp)

Wâbigon Kîzis 2006